

痧脹玉衡書

二

痧脹玉衡書卷之中

偏身腫脹痧

構李郭志遠右陶著

痧者暑熱時疫惡毒之氣攻於裏則為痰喘為血痧
昏迷沉重不省人事若元氣壯實內不受邪不入於
裏即散其毒於肌膚血肉之表為腫為脹若誤飲熱
湯熱酒便成大害此痧之暗者宜從脈異處辨之
治驗

一翰黃聞兄一婢久生瘡患腹大如臍手足俱腫



延余診之。左脉微數，右脉或時歇。指余思瘡毒入內，作腫作脹。其脉必然洪數有力。方見脉症相對，乃可治。其瘡毒今左脉微數，右脉歇，指脉症不合，必慢痧爲患也。視其腿灣，果有痧筋青色，刺五針。紫黑毒血流之，如注未愈。又刺指頭毒血二十針。用寶花散併付桃仁紅花湯入服。後腫脹俱消如舊。

一翰黃聞兄長女手足俱腫，將逮於腹。延余診之。六脉弦細沉遲，知其爲慢痧之變症也。云宜先放

其痧，緣畏刺不放。余辭不用藥，恐藥氣稍冷不能治。及於血肉之分也。越六日腫脹益甚，復延余治。令其僕婦爲主女放痧三十餘針。紫黑毒血已出。用寶花散稍冷服之，併用散痧解毒消瘀順氣之劑治之。以其痧久綿延難於速效，計服二十四劑。方得腫脹俱消，安平如舊。

一賈峰青徧身腫脹，服藥不應。延余治之。余見心口將平臍有青筋，余曰危哉。診脉無根，殆不可療。然視其指上腿灣青筋交現，刺出毒血甚多。彼又

癩胎玉衡書

謂癩症不當服藥遂已後至一月餘終成真臟而
歿惜哉

一余隣許姓者有子四歲頭面胸腹手足徧身俱
腫脹紅色頭汗如珠不絕求余診視兩關兩尺皆
洪大滑實兩寸脈厥動搖此傷食之痧感於脾經
故徧身肌肉腫脹及看其痧筋不現刮痧不起此
因誤飲熱湯痧氣內攻壅塞衝心故徧身作腫作
脹惟衝心心臟不受其害故上干頭面化而為汗
出之如珠皆心液也用紫朴湯加大黃丸微冷飲

之脹消汗止而愈

悶痧

痧毒衝心發暈悶地一似中暑中風人不知覺即時
而斃此痧之急者如略有甦醒扶起放痧不愈審脈
服藥施治如發暈不醒扶之不能起必須審脈辨症
的確果係何因先用藥數劑灌醒然後扶起放痧漸
為調治

治驗

一注君美內室六月間發暈昏迷延余診之兩寸

扎而散餘脉如常但重按之時見歇指此暑熱穢
氣觸犯心經之痧也扶之不起先用寶花散薄荷
湯併藿香湯冷服稍醒扶起刺出毒血三針不愈
用沉香阿魏丸薄荷湯微冷飲之漸安後用四物
湯調理而愈

落弓痧

候忽昏迷不醒或痰喘不已眼目上吊形如小兒落
弓之症此暗痧難識必須審脉辨症的是痧毒看其
身體涼熱唇舌潤燥何如然後治之

治驗

一盛洪烈子九月間發熱口渴昏悶不醒兩目上
翻延余診視六脉微細而伏先用寶花散加砂仁
湯冷下而甦扶起放痧十二針去紫黑毒血用救
苦丹併細辛大黃丸加砂仁湯稍冷下又用防風
散痧湯加金銀花丹參山查荀子而痊
一陳公玉八月間時常身熱口中微渴煎滾茶飲
之倏然沉重昏迷不醒余診之左尺沉細動止不
勻右寸脉浮而芤此腎虛而痧犯之腎水之痧逆

癆瘵玉微書

行于母肺金故痰氣壅盛而發暈也用獨活紅花湯入貝母牛膝同煎加童便飲之更進圓紅散而醒然後扶起放痧二日後痧氣清用補中益氣湯六味地黃丸調理而痊

噤口痧

默默不語語亦無聲形如啞子此乃痧氣壅盛熱痰上升阻逆氣管故咽喉閉塞而然治宜先放其痧審其肺腎脾三經之脈為要然後推詳餘經之脈則知病之所本矣

驗

一吳子瑞一女十一月間忽然痧脹心中煩悶昏沉不語子瑞善放痧稍醒語更終日無聲余診之左關有力右脈沉伏傷氣之痧也此女日為後母所詈故有此變用陳香圓一隻煎湯微冷飲之稍有聲焉未愈次日左脈弦長而動余曰怒氣傷肝痧氣猶阻於肝經之故刺腿灣紫筋三針血流如注又刺項心臂指二十餘針乃用二香散陳皮厚朴湯加延胡索香附微溫飲之乃痊

卷中

五

角弓痧

心胸脹極。痧毒內攻。故頭項向上。形如角弓。反張是
臟腑已壞。灰症也。不可以治。

撲鵝痧

痰涎壅盛。氣急發喘。喉聲如鋸。痛若喉鵝。但喉鵝之
症。喉內腫脹。若痧則有如喉鵝之痛。而無喉鵝之腫
脹。又形若急喉風。但喉風之症。痛而不移。若痧則痛
無一定。且痧有痧筋。喉鵝無痧筋。此可辨也。

治驗

一施襲先痰氣壅盛。吹于痰藥。益凶暴痛極。余診
之脈多怪異。此三焦命門之痧也。關臂指筋刺十
一針。腿灣青筋刺三針。出紫黑毒血甚多。不愈用
沉香鬱金散。救苦丹。清茶冷飲之外。吹冰硼散。又
用荆芥銀花湯。微冷飲之。三劑而痊。

傷風咳嗽痧

一。周龍生喉痛之極。痰涎壅盛。延余。余曰。痧也不
信。飲熱湯。至夕而殞。

痧從時氣所感。因而咳嗽。肺經受傷。不可以傷風治。

辨別三行
之益傷風以疏風為主若痧則純乎疏風非其所宜
當刮痧為先宜清喉順氣涼肺散痧為主若專重疏
風縱非緊痧急症亦必咳嗽日甚纏綿不已勞嗽等
症由此而成慎之慎之

治驗

一徐茂公傷風咳嗽日晡微寒發熱余診之右寸
脈浮而芤餘脈虛而無力時氣所感肺經之痧也
其弟為之放痧刮痧稍可不服藥至十餘日咳嗽
不止余用射干兜苓湯加前胡山豆根稍冷飲之

漸愈

痘前痧脹

痘本先天因時而發必由外感至如痧者亦時疫之
氣所感作脹作痛而胎元之毒因之俱發凡痘未見
點之前痧脹必心胸煩悶痰涎壅塞甚至昏迷沉重
不省人事此其候也其小兒滑疾之脈類於痧症厥
厥動搖之脈雖若疑似難明然痧有痧筋可辨宜先
刺出毒血而後用藥清理之則痧自退痘自起矣若
痘點既形闕賦痘隱者諸痘科自悉不贅

痘後痧脹

治驗

一夏子亮。幼子五月發熱。痰喘氣急。四肢戰動。兩目無神。不省人事。口熱如爐。面有隱隱紅紫細點。延余看痘。聞其腿灣有紫筋兩條。余曰。兩目無神。四肢戰動。痘之候也。隱隱微照。痘之形也。口熱如爐。紅紫之色。熱之盛也。但是痰喘氣急。有腿灣紫筋兩條。必痘因痧脹而發。治宜先放其痧。後發其痘。則痘自起。用針刺出血。隨用荆芥連翹防風紅花青皮桔梗枳殼山查葡萄子一劑。俟稍冷飲之。

其痘即發至十一朝乃痊

痘後痧脹

痘後中氣多虛。有感必傷。尤宜防護。嘗有小兒痘後收靨脫痂。安然無事。一遇暑熱。所侵或穢惡所觸。即成痧脹。往往有忽然生變。人多認爲惡痘所致。即痘科任事者。亦以爲然。竟不知其痧之爲害。有如斯也。

治驗

一胡丹宸。子七歲。八月出痘。脫痂光潔。飲食如常。行步如舊。迨二十五朝。忽然叫喊不已。發暈欲厥。

卷中

八

皆以為惡痘餘毒使然。求余治之。左右手六部俱微細而伏。余思惡痘餘毒兆變。脈當沉緊有力。今微細而伏。若此。脈症不合。視其痧筋。歷歷可指。刺出紫黑毒血。不愈。用荆芥銀花湯。合和脾宣化飲。稍冷飲之。即甦。後小腹痛。變為痢疾。用當歸五錢。山查一錢。熟大黃五分。加童便微溫飲之。稍安。後獨用當歸山查四劑而痊。

一。張可久。女十五歲。痘後三十二朝。忽然發暈。沉重不能轉側。延余診治。右脈微細。左脈洪大。時一歇。指視其指頭。黑色青筋。歷歷刺出毒血。不愈。用降香桃花散。合枳實大黃湯。稍冷飲之。不愈。用三香丸。微溫服。而痊。後傷食。為穢氣。所觸。腹痛。刮痧服稜木湯。加明礬二分。微冷飲之。而安。

胎前產後痧

孕婦之痧。最易傷胎。產後之痧。須防惡阻較之。平人更甚。當急為救。療庶於痧毒未攻壞臟腑之時。可以施治。若屬暗痧。發於此時。胎前痧。脈。因於有孕。產後痧。脈。雜於惡阻。又無心腹痛。據痧從暗發。須當究其

症候察其聲色看有痧筋急宜刺破肌膚痧推尤重
油鹽至若痧毒橫行肆攻臟腑莫可挽回慎毋草草
以誤人也

治驗

一趙方亨內室懷娠六月寒熱交作煩悶不安延
余時痧在始發脈固未現初不覺其為痧用藥不
應忽爾昏沉次日余診左手脈伏面目微黑乃識
其痧刺腿灣青筋六針出毒血少愈用桑寄生紅
花香附益母草荆芥細辛藟子神麩冲砂仁末微

冷服而安後用小柴胡湯退熱又參苓歸地健脾
養血乃痊

胎前痧痛論

胎前痧痛毒氣攻胎尚懼胎孕絞動傷胎殞命況痧
有毒血攻衝胎孕嬌嫩決難安靜至如安胎用白朮
當歸茯苓之類痧所大禁若一候用立時痧脹凶危
其痧脹所宜惟是破血破氣之劑又胎孕所忌愚嘗
母胎其間若刮痧放痧不愈必欲活血解毒用金銀
花丹參益母草紅花桑寄生消瘀而不損胎元順氣

癰疽疔毒

用香附陳皮紫朴砂仁烏藥行氣而不傷胎氣散痧
用荆芥防風獨活細辛透竅而不動胎孕消食積用
山查葛子神麩麥芽寬中而不伐胎性採擇於中
最為穩當然痧毒勢盛此等之藥難於速效或惟用
二味克伐又恐於胎有害此所以反復而不敢輕
任也。

產後痧痛論

產後用藥必須溫煖痧脹用藥惟重清涼此症屬相
反處治之方母執產後一於溫煖亦母執痧脹一於

清涼也愚嘗遇此等症竊以為消痰破血之藥雖同
其餘有不可通用者是以製就一方為臨症之法散
痧用獨活細辛破血用桃仁紅花順氣用香附烏藥
陳皮解毒用金銀花紫花地下消食用山查葛子神
麩麥芽如產後利用薑灰肉桂以溫血痧症所大禁
痧症利用荆芥防風以散痧連翹薄荷以清熱產後
所不宜況痧症脹極尤重大黃枳實柘榔以通其積
滯而產後之藥更不可不禁恐用此傷產後之氣分
也且產婦服藥宜溫痧症服藥宜冷若痧而用溫脹

本草綱目

卷中

十一

齊州王衡書
者益脹產而用冷。然者益厥。故予臨症。惟取微溫之氣。則既無害產。後而亦無助痧禍。若痧更凶。極微溫之氣。難於制治。加童便以清熱。消痧產後痧症。俱得其宜矣。

治驗

一額月溪內室產後三日。腹中絞痛。脹大如臆。惡露不通。延余診之。余思產婦腹痛。當在小腹。大腹脹痛。亦僅微疼。今產婦大腹絞痛。異常。非產婦本症。及按脈洪數有力。余曰。此產後兼痧脹也。當取

痧筋。驗之不信。漫服產後藥。益覺昏迷。不醒。復求余治。勢已危極。痧筋不現。先取童便一杯。飲之。少避。關十指筋。刺出紫黑毒血。二十一針。然後扶起。放腿灣痧。六針。絞痛稍定。用獨活紅花湯。微溫服之。迨痧毒消盡。脹痛盡止。惡露俱通。後調補。乃痊。一蔣南軒內室產後八日。惡露去血過多。忽惡寒發熱。胸中脹悶。垂危。延余。脈洪大。無倫。余思惡露不盡。猶可。今惡露去盡。何以驟得此脈。因語之曰。脈甚凶。若兼痧。可救。南軒善放痧。信余言。入視痧。

蘇州王御書

筋紫紅色者一條放毒血余復診之不復洪大又
刺指臂出紫黑毒血三十餘針用獨活細辛柴胡
金銀花丹參益母草牛膝石斛烏藥山查陳皮四
劑微溫服之寒熱脹悶俱除後調補而愈
一單公廉內室產後六日過體疼痛寒熱如瘧昏
悶異常延余六脈時有歇指閱左中指右無名指
微帶黑色乃知兼痧之症刺指上紫黑毒血七針
臂上毒血一針舌底下紫黑毒血一針昏悶疼痛
稍緩用獨活桃仁蘇木香附童便薑黃山查微溫

服一劑疼痛昏悶俱除但寒熱未已用金銀花丹
參益母草艾柴胡獨活薑灰牛膝山查溫服四劑
寒熱乃瘳調補月餘而健

倒經痧

經行之際適遇痧發經阻逆行或鼻紅或吐紅肚腹
腫脹臥牀不能轉側者是也肚腹不痛亦為暗痧若
痧毒攻壞臟腑者不治

治驗

一沈弘先內人經期發熱鼻血如注昏迷沉重肚

癩病上

腹作脹。延余診之。脈伏。余曰。兼痧。而經逆者也。弘
先善放痧。刺腿灣。二針。出紫黑毒血。不愈。余用桃
仁紅花。獨活。細辛。山查。香附。青皮。加童便。飲之。經
行。調理而愈。

痧熱 頭汗痧在護語附

痧氣壅盛。發為熱症。或熱而不涼。或日晡發熱。或潮
熱往來。皆痧毒之氣阻。而不通。傳激肌表。發而為熱。
不識者。認為外感。傳經熱症。發汗溫飲。即慢痧遲緩。
勢必痧氣益盛。變出頭汗。發狂種種重症。不知外感。

之脈浮數而緊。熱症之脈洪數有力。痧症之脈終有
不同。或有可疑。須看痧筋。有無辨之。即明。

治驗

一沈懷先。夏月日晚發熱。五日不涼。諸藥不效。反
益昏悶煩躁。余診之。右三部及左關俱微細無力。
余見其病氣有餘。脈反若不足。知非真不足。乃痧
脈之變者也。先令刮背上痧。又於十指臂灣刺出
紫黑毒血三十餘針。不愈。用冷茶送寶花散二服。
又以陳皮厚朴湯。主之。倍加玄胡索香附煎湯。稍

癩病上 卷中 十四

新出上...
蘇州...

冷服四劑而痊

一邵洪玉內室日晡發熱頭汗如雨延余六脉震動不常故知其痧刺出十指紫黑毒血二十針不愈煎紫朴湯稍冷服三劑痧氣已盡用大黃三錢枳實陳皮厚朴各一錢煎湯溫飲下其結糞熱退身涼後朝用補中益氣湯夕用六味地黃丸調理而痊

一褚元龍夏月潮熱往來已六日矣服他藥熱極不涼發狂讖語延余左脉俱微右脉俱洪大非痧

脉不若是之異也視其乳下青筋一條刺出紫黑毒血不愈用桃仁澤蘭等分煎湯平服神情始定日漸調理半月而痊

痧煩痧睡

痧氣衝於心胸故心煩或嗜睡此等之痧俱屬慢痧之類輕而且淺人多誤以心煩嗜睡治之日甚一日倚日服熱酒熱湯熱物雖非驟然緊急勢必日漸凶險故併錄之以示戒

治驗

卷中

十五

癆瘵玉函書

一王培元適會於其弟宋臣書室云及心煩之甚已非一日將服他藥余診之脉症不合止而不服聞腿灣筋刺而放之不藥而痊此等痧甚多姑

記一以為例

一余弟驥武每心煩嗜睡自識其痧便欲刮放不藥而痊此由中氣虛故易感痧患雖輕之至不足具述然亦痧之一症也姑錄之以廣其說

老弱兼痧

先有痰火咳嗽之疾忽爾喘急痰涎喉聲如鋸或頭

汗如油喘而不休心胸煩悶莫可名狀雖云痰火危篤往往有之然亦有兼感時氣或穢氣所觸驟然勢盛者凡治必宜細細察脉按症先清其痧次治其痰然後漸補氣血則標本兼得其理矣

治驗

一汪子建母七旬有餘素犯痰火老弱之症忽痰涎壅盛喘急不休喉聲如鋸延余診視六脉不勻有如雀啄雖老弱痰火之脉當有歇指亦不足怪然視其驟然作變病必有異余曰此兼痧症尚可

癆瘵玉函書

卷中

十六

癰疽疔毒

治也。閱其左腿灣下有青筋一條刺之紫黑血流如注先用散痧消食豁痰順氣之劑併進牛黃抱

龍丸病勢漸安後惟補其氣血乃痊
一盛君和母五十歲痰火多年忽面赤頭汗遍身俱腫喘急煩悶倍常延余診視余思老年痰火固所宜然何面赤頭汗遍身俱腫之驟也及按其脉又與症相合不可據以為痧然恐痧之為禍不小若竟以老弱痰火治之終覺疑而不安細視其十指有細紅絲筋歷歷可驗則其痧之為老弱變症

也明矣先治其痧刺指頭二十餘針去其毒血次用稍冷湯服寶花散面赤頭汗身腫俱除喘急亦漸和緩唯是老弱痰火為終身之疾

瘡症兼痧

瘡痛者心火血熱所致故火盛而膿腫作痛然膿雖痛必漸漸而極非若兼痧之驟故凡瘡瘍兼痧其腫痛必多可畏處况瘡瘍脉多洪數兼痧脉固不同其筋色又有可驗也

治驗

瘡症兼痧

卷中

七

癰疽疔毒
癰疽疔毒

一番子亮女十八歲患瘡已半載忽一日飲酒後
膿瘡大盛或以其酒助血熱且食鷄鴨發毒之味
膿瘡腫痛由斯而極治以涼血活血解毒托裏之
劑更覺昏迷飽悶延余治之脈不洪數而反沉微
余曰脈不對症必痧使然刺出指頭毒血又刺頭
頂心一針神情方始清爽但胸中飽悶用順氣散
痧消毒之味四劑微冷飲之兼外搽合掌丸飽悶
膿瘡俱愈
弱症兼痧

先有勞弱不足之症或吐血時發或微微乾嗽兩頰
唇口鮮紅或骨蒸發熱不已一觸犯時氣傳染或穢
惡之氣相犯必兼痧脹或多痰喘或咽喉如鯁或心
腹脹悶煩躁發熱較之平時不足之症益覺沉重此
宜以痧為主治之令痧毒退盡方可治其本症不然
勞弱未見凶危痧禍已在目前矣

治驗

一婦人吐血乾嗽晝涼夜熱已久忽午後發熱異常
常脹悶沉重他醫以為怒氣血虛用養血化痰順

氣之病。病勢益盛。昏迷痰喘。不省人事。延余。左關微緩無力。右關似緊非緊。餘脈應指不勻。余思怒氣填胸。左關必須有力。平時勞弱。脈亦自宜弦數。內有鬱血。上中二部亦當見。凡何脈不對症。若是看其左腿灣。有紫筋數條。歷歷可指。其為兼痧之症明矣。故昏迷痰喘。先刺其痧筋。出其毒。血倍用寶花散。清茶微冷飲之。方得神情清爽。不復痰喘。昏迷脹悶沉重之勢。但勞弱由於本原不足。綿延未愈。

痧變勞瘵

痧症有惡飲熱湯者。有反喜飲熱湯者。惟其喜飲熱湯。痧症益莫能識。慢痧所以變成勞瘵也。原其痧毒之始。入於氣分。令人喘嗽吐痰。發熱聲啞。蓋火毒傷肺。肺為嬌臟。若不知治。變成百日緊勞。輕者數年難愈。卒至危。痧毒之始。入於血分。重者。毛變在。即輕者。歲月延捱。若乃毒瘵胃口。必須去盡。而愈。毒瘵肝經損壞。內消吐血。數發勢極多。危毒瘵。心胞絡更加凶險。不待時日。毒瘵腎經。腰脊疼痛。嗽痰咯血。日甚。

癰疽疔毒

癰疽疔毒 凡痧毒遺患總成勞瘵治須識之於

一日不可得痊凡痧毒遺患總成勞瘵治須識之於
始凡臟腑之病莫咎其終腑便屬不治

治驗

一王君瑞內室咳嗽吐痰發熱左背疼痛已年餘
矣延余診之六脈浮緊洪數脈症不合又無痧筋
但用刮痧痛減服散痧清熱消痰順氣四劑而愈
一楊音節痧脹不服藥惟放痧三次胃脘間成一
大塊咳嗽吐痰發熱不食日漸尪瘦延余診之右
關脈扎而緊餘脈俱數余曰內有瘀血必吐出而

可解用桃仁蘇木澤蘭白蔘藜香附烏藥酒煎服
之吐紫黑血碗許更用活血引下之劑加童便酒
服之而愈

一左元峰痧脹放痧三次不服藥痧根不絕變成
勞瘵咳嗽咯血音啞發喘骨瘦如柴脈洪大無倫
余辭不治又二月而終

癰脹兼痧

先有癰脹而痧氣乘之癰脹益甚在癰脹不可先醫
在痧氣自宜早治

癰疽疔毒
癰疽疔毒
癰疽疔毒

治驗

一江雲甫肚腹脹急如臛。臛突筋青。心口將平。余診之。知為血臛之症。其指頭黑色。此臛症之所無也。視指上有青筋兼痧。無疑。刺二十餘針。又刺臂灣腿灣青筋五針。俱去其毒。血略鬆。用蒺藜散微溫飲之。臛下青筋漸退。後用臛症之藥導去惡水。日服治臛香圓丸。一月餘。臛症盡平。永不復發。

痧變臛脹

痧者毒也。慢痧之毒。遷延時日。留滯肌膚腸胃血肉。

之中若不早治。即成真臛。

治驗

一嚴天玉。次子。氣急作脹。胸腹飽悶。臛下有青筋突起。心口將平。此慢痧成臛也。刺腿灣青筋六針。出紫黑毒血甚多。又刺指頭出毒血二十四針。臛上青筋即淡。色腹內覺鬆。用寶花散微冷服。腹脹漸消。其後不復用藥。施治。但恐其根未除。日後復發。姑誌之以例其餘。半身不遂。痧。

心主血。痧毒入於血分。故易攻心。此痧症所以發昏也。若痧之慢者。衝激遲緩。未逆於心。留滯經絡。或在於右。或在於左。為半身疼痛。或麻痺不仁。如此。半身遂總因痧毒之遺害也。治之者。見有痧筋。急宜刺破。然後用藥以散其毒。活血以消其瘀。則痧根既拔。其症漸痊。若不知治。綿延日久。痧毒益深。勢不可遏。當又有變症難愈矣。

治驗

一章道庵屢患吐血發熱不涼左半身疼痛不已

行步艱難。延余診視。初不覺其為痧也。細思脈症不合之處。檢其痧筋。刺之。用桃仁澤蘭獨活烏藥煎。二劑微溫。服吐血疼痛俱愈。永不復發。

一盛成年朝。夜熱氣急。半年服藥不應。反加右半身疼痛。不能俯仰。咳嗽吐痰。飲食減少。成勞弱不足之症。掉舟迎余。脈不見弦數。而微細。時有欲指脈症不合。聞其痧筋。刺二十餘針。用葶黃旋覆花丹參橘紅赤芍玄胡索澤蘭山查角刺穿山甲二劑微溫。服疼痛吐痰俱除。後朝用六味地黃丸。

癩脚神書

久用補中益氣湯朝涼夜熱俱愈

內傷兼痧

人有內傷詎無外感外感之症不獨風寒即夏月暑熱之氣時疫傳染之氣穢惡觸犯之氣一受於身亦如外感然則內傷者本病外感者標病故傷寒集中有內傷外感之症此之集中有內傷兼痧之症治法主意先辨痧症治其標後審內傷治其本

治驗

一曹洪字子之外戚爭奪家產涉訟公庭有老婦

造其家互相爭毆發熱沉重咳嗽吐痰胸中脹悶諸親戚惟恐斃於曹姓室中延醫青來王兄更邀余往視青來幾不敢任余憐憫此婦不治人命重情彼此俱敗若一救之不特活婦一命亦且保全兩家是亦大德余為診之知其內傷兼痧症也刺痧筋二十餘針付寶花散微溫服之脹悶稍鬆爰定一方即於青來廟中取藥用桃仁赤芍澤蘭玄胡索紅花陳皮烏藥獨活治其內傷服後下黑糞瘀血俱消諸症俱愈但其舊有不足之症非參不

卷中

三

紫疱痧

可後青來用參芪大補乃健而歸

紫疱痧

痧症不內攻則外潰余於發蒙論中已略陳其概矣
無如痧症變異更有難盡述者即若為腫為毒之外
又有發為紫血疱者此真痧之異者也余故記之以
例其餘

治驗

一余隣許秀芝女嫁為養媳婦手足下半身俱腫
大腹亦脹發出兩腿足紫血疱如圓眼大密難數

記皆云此爛瘋之症服藥益甚秀芝憐惜其女載
與俱歸求余治視疱多可畏及見有痧筋發現於
腿灣方知痧者猶樹之根疱者猶樹之葉也遂為
放痧三針又刺指頭痧二十一針盡去其毒血復
診其脈六部俱和殆其痧毒之氣已散但存肌表
紫疱而已用蘇木紅花澤蘭桃仁身藥桔梗川芎
牛膝一劑溫服凡紫血疱盡收膿結痂而愈
爽喘氣急痧

先有痰喘氣急而痧脹因之先治其痧後治其痰氣

無令痧為本病之助。先有痧脹而痰喘氣急因之。但治其痧而痰喘氣急自愈。若痧有寒熱不清痰喘氣急者。兼清熱痧急者。兼和解痧。有熱無寒痰喘氣急者。兼清熱痧。有食結不化痰喘氣急者。兼消食順氣。痧有大便不通小便不利痰喘氣急者。急攻其裏。痧有痢下膿血或赤或白痰喘氣急者。急攻其積。痧有瘀血凝滯小便利大便黑痰喘氣急者。急消其瘀。痧有嘔吐紫黑血或鮮血痰喘氣急者。當慮痧毒攻壞臟腑不痛者。可治痛而已者。難治。服藥不應者。死。

治驗

一祖南軒四月發熱頭痛脹悶昏迷痰喘氣急。延余六脉無根。余曰脉法六脉無根者。死。若為痧脹。而然則有救。其家善放痧。因閃痧筋放之。不愈。余用沉香鬱金散圓紅散稍冷服。又用化毒丹一服。昏迷即醒。脹悶痰喘氣急俱平。更用防風散痧湯。加青皮連翹山查葛子熟大黃一錢服之。發熱頭痛俱已。六脉如舊。

一費道元內室痰喘氣急。脹悶不已。延余左三部

脉浮緊而數右三部脉如無余曰痧脹暗發也其
兄善放痧刺乳下出紫黑毒血一針如注六脉復
舊余用和脾宣化飲一服稍冷飲之痰喘氣急脹
悶俱痊

一錢公肅子二月晚間痰喘氣急發熱身重腹中
絞痛延余脉沉微刮痧放痧不愈用藿香湯稍冷
服之又用稜木湯加大黃五分微温服之諸病俱
痊

痧瘋

瘋者天地間厲氣所感發而為瘋蓋惡毒之氣躍於
血肉散於肌表留於經絡以成瘋症最惡候也若痧
者亦時行惡毒之氣變為大瘋尚何疑乎余昔在秦
溪嘗見一人犯大麻瘋症眉髮俱脫面自頰敗手足
蹠舉過一老者為之放痧三次曰此痧瘋也傳汝
方金銀花六錢黃芩一錢五分皂角刺一錢赤芍二
錢紅花二錢牛膝三錢苦參四錢生地二錢水煎日
服日漸而痊若余於此症固未嘗治及不敢虛載治
驗適余經見老者所治有然故附錄之以見痧症之

亦有是變焉

痧重

痧症始發勢雖凶暴未必身重若飲熱湯熱酒痧毒即阻塞於經絡血肉之間偏身重痛不能轉側放痧之後治宜消痰解毒為先初起易治久則難治放痧服藥不效者效

治驗

一邵光先十一月腹中微痛嘔噦酸水以為胸中受寒服薑湯一碗偏身大痛腹脹身重不能轉側

迎余右脉俱伏放痧用當歸枳殼湯稍冷飲之又用桃仁紅花湯微溫服次日痧毒之氣漸減又放痧服如前藥而愈

一莫東雲次子頭痛發熱胸中脹悶飲熱湯一碗偏身疼痛不能轉側臥床不起服他藥益昏沉延余右寸氣口脉虛左寸微細關洪緊有力知其痧也刺指頭出毒血九針少愈用消痰活血解毒藥三劑而痊

眼目痧

痧症

卷中

七

痧症五箇書
痧者火毒也。若犯痧症，適與心主之火相合，故痧毒通衝。最要防攻心之患。今少陰心君不受邪，逆犯厥陰肝母，故兩目紅腫如桃。甚則眼珠突出，最為凶險。然他症患目，惟在於目。若因痧為患，必然先覺心中煩悶，而目疾因之。苟不知蚤治，則痧毒已叅陽位，其火勢之炎熱，輕則壞目，重則殞命。治宜先刺巔頂百會穴，以洩毒氣。當放者，放刮者，刮用清火活血順氣之劑，加牛膝石斛以引火歸原，誠為良法。

治驗

一江道誠患心中煩熱頭眩，忽兩目紅腫大痛，飲熱茶熱酒，眼珠掛出左目尤甚。至晚即昏沉發暈，延余診視左脈微細無根，痧毒之為害也。放痧不愈，用金銀花、茜草、連翹、黑山梔、枳殼、丹皮、赤芍、牛膝、石斛、草決明，加童便微冷飲之，眼珠始收，調理而愈。

瘟痧

寒氣鬱伏於肌膚血肉之間，至春而發，變為瘟症。是名瘟痧，又暑熱傷感凝滯於肌膚血肉之中。至秋而

發亦名瘟痧。但春瘟痧毒受病者少。不相傳染。時或有之。秋瘟痧毒受病者多。老幼相傳。甚至一家數人犯痧。或一方數人犯痧。其發也必惡寒發熱。或腹痛或不腹痛。似瘧非瘧。或氣急發喘。頭面腫脹。胸腹飽悶。或變下痢膿血。輕者牽連歲月。重者危急。一時治宜放痧。消食積。為主。俟痧毒已洩。然後和解。清理。除其寒熱。健脾養血。補其中虛。

治驗

一洪公震九月惡寒發熱吐痰咳嗽胸中煩悶口

渴舌胎延余診之左脉時有歇指右脉沉而有力刺痧筋毒血不流後臥床不醒益覺沉重此誤飲熱湯為害也用陰陽水一碗加明礬二分飲之又用消食去積之藥加熟大黃一錢微冷飲之少愈次日痧筋復現刺膻海一針十指二十一針去毒血用活血解毒藥諸症漸鬆調理而痊

一公震內室同時惡寒發熱頭面腫脹心胸煩悶似大頭瘟診之六脉俱伏此瘟痧也放痧不愈先飲微冷熱湯次用透痧消毒下氣之劑加牛膝三

癰疽疔毒

錢同煎微冷飲之。二服全愈。

一公震次子十月寒熱如瘧。心腹絞痛。吐瀉不已。六脈沉緊。亦瘧瘵為害也。用沉香阿魏丸清茶微冷下。併和脾宣化飲。入大黃一錢。同煎微冷飲之。次日再服如前而愈。

頭眩偏痛痧

痧氣慢者上升於三陽頭面。常覺頭眩內熱。或半邊頭痛。心煩不安。宜刮痧不愈。用清涼之劑治之。

治驗

一鍾仲宣數日頭眩。日漸益甚。或時右偏頭痛。脈症不合。刮痧不藥而痊。

一潘尚峰苦頭眩。或左偏頭痛。服他藥不應。延余脈微與症不合。放痧不愈。用清熱下氣之劑。而痊流。火流痰痧。

痧毒傳變不待時。日朝發於足。而足腫痛。夕流於手。而手腫痛。朝發於肌膚。而肌膚紅腫。夕入於裏。而痰喘不休。此等之痧。乍隱乍現。乍來乍去。按之脈而痧脈或不現。最難識。認如痧毒所流及之處。熱者似流。

卷中

三十

火而非流火腫者似流痰而非流痰或痛極難忍或
痺痛不已又痧之變者也欲知此痧須看病勢凶暴
不比流痰流火之輕緩者驗之於痧筋發現刺之無
疑然後憑脈所犯風寒暑濕及食積痰血氣阻分治
之斯能有效如或不覺便成死症

治驗

一張宏原內室日間左足小腿紅腫大痛暮即腹
痛而足痛止次日左足小腿又復紅腫大痛而腹
痛又止來去不常痛無一定延余診之六脈如常

而徵數此平人之脈也難據為痧但症異凶暴須
看痧筋發現便有實據可從痧而理也扶看腿灣
有青筋三條刺之紫黑毒血流出甚多反加痰喘
此放痧有未盡故也用荆芥金銀花湯加土貝母
二錢微冷服一劑少愈次日左足腿灣下又現痧
筋一條刺去毒血併刺顛頂一針服前湯加牛膝
三錢一劑痧退服紅花湯半月腫痛俱痊
一葛隆生次子清晨臂上紅腫大痛次日變為足
腿紅腫大痛乍來乍去隆生以為流火使然延

余診其脈厥厥動搖數而又疾。余曰：脈異於常而症多變，殆其痧與不信。服熱湯二日而殂。
一奚敬峰晚間右大腿紅腫痛方已，喉旁發腫而痛。延余，脈不見異，初不覺其為痧也。只見時症犯此者多，細看兩臂痧筋刺出毒血，如注診氣口脈。洪實用紫朴湯倍山查、藟子，加大黃一錢，微冷飲之，食消便下而安。

咳嗽嘔噎痧

痧毒之氣上凌肺金，故氣逆發噎而咳嗽痰涎上湧。

或嘔噎惡心，或面目浮腫，或心胸煩悶。此熱毒入於氣分，痧筋往往不現。治以刮痧為主，間有人入於血分者，必有痧筋。然後刺之。臨症用藥宜理痧毒為主，若以傷風咳嗽治之，則悞矣。

治驗

一俞仲嘉長女，五月發熱咳嗽嘔吐痰涎，胸中脹悶，面目浮腫。延他醫服傷風痰嗽之藥四劑，心中益脹悶，遂止不藥。將及一月，余偶過求余診之。右寸脈虛，知其為痧之變症也。刮痧訖，用防風散痧。

湯加貝母薄荷童便微冷飲之即痊
一王惟誠咳嗽發噎不絕聲面目俱腫嘔痰不已
更吐鮮血延余治之六脉弦緊且數此痧毒之氣
搏激於筋脉間故見脉乃爾刺指頭出毒血三針
令多為刮痧用寶花散加童便微冷服又用圓紅
散微温服而痊

痧脹玉衡書 卷中

